

- I, 7. Ipsum profecto tempus est
quo voce evangelica
venturus sponsus creditur
regni coelestis conditor.
8. Occurrunt sanctae virgines
obviam tunc adventui
gestantes claras lampadas
magno laetantes gaudio.
9. Stultae vero remanent
quae extinctas habent lampadas
frustra pulsantes januam
clausa jam regni regia.
10. Pervigilemus sobrie
gestantes mentes splendidas
advenienti ut Jesu
digni occurramus obviam.
11. Noctisque mediae tempore
Paulus quoque et Sileas
Christum vincti in carcere
conlaudantes soluti sunt.
12. Nobis hic mundus carcer est
te laudamus Christe Deus
solve vincula peccatorum
in te Christe credentium.
13. Dignos nos fac rex agie
venturi regni gloria
aeternis ut mereamur
te laudibus concinere.